

Grupu Servisu ba Mudansa Klimatika nia Prinsipiu

Grupu servisu ba mudansa klimatika iha Timor-Leste, konsiente katak mudansa klimatika nudar dezastre global nebe presija resposta global ida, no katak nudar nasaun kiik nebe foin dezenvolve-an Timor-Leste vulneravel los ba impaktu husi mudansa klimatika nee. Maibe mos, ami rekohese katak nudar nasaun nebe foin dezenvolve-an no iha hela prosesu hari nia infrastrutura, Timor-Leste iha oportunidade boot tebes atu hari modelu dezenvolvimentu ida nebe dezenvolidu no sustentavel no lidera nasaun seluk tuir modelu nee.

Ami nia servisu ba mudansa klimatika mak atu dudu prosesu dezenvolvimentu nasional ida nebe diak ba klimatika no dudu prosesu adaptasaun no mitigasaun global ida nebe respeita ba prinsipiu adaptasaun no mitigasaun ida nebe justu, respeita direitus umanus no kondisaun sosio-kultural lokal nian. Prinsipiu ne'e deskreve iha pontu sira hanesan:

- Respeita ba povu indigenas, agrikultores kiik, komidade nebe hela iha laran, tiha ikan nain, trabalhadores kiik sira no feto no labarik sira, no grupu seluk nebe vulneravel liu ba impaktu husi mudansa klimatika.
- Respeita prinsipiu biodiversidade, demokrasia, no igualidade generu.
- Respeita ba prinsipiu justisa klimatika nian katak parte ida-idak tenki responsabiliza bazeia ba nia hahalok, katak se mak halo at liu iklima nia mak tenki responsabiliza makas liu.
- Respeita ba prinsipiu katak mudansa klimatika so bele hatun wainhira ema muda estilo moris nian nebe konsumu energia barak husi fosil nebe estraga natureza no ambiente.
- Promosaun energia renovavel nebe la fo impaktu negativu ba komidade lokal no suporta dezenhu dezenvolvimentu nebe hamenus dependensia ba energia.
- Proteksaun no Gestaun sustentavel ba rai, be, ailaran, energia, atmosfera no rikusoin natureza sira seluk.
- Dezenvolve metodu egrikultura nebe kaer ba prinsipiu soberania aihan, nebe hametin karbon iha rai, reduz uju husi fertilizante kimiku, la kria ameasa ba ekosistema, iklima, biodiversidade no ekonomia agrikultura nian.
- Promove uza teknologia ida nebe sustentavel bazeia ba teknologia ninia funsaun lolos nebe haketak-an hosi sistema dezenvolvimentu nebe la respeita matenek lokal no uza teknologia hodi esplota natureza no ema.

Iha relasaun ba UNFCCC iha Copenhagen, grupu servisu ba mudansa klimatika apoiu ezizensia husi grupu oi-oin husi mundu tomak nebe luta ba Mudansa Klimatika katak:

- Nasaun Dezenvolidu sira tenki hatudu sira nia responsabilidade ba sira nia hahalok nebe estraga mudansa klimatika, liu husi fo suporta finanseiru no transferensia teknologia ba nasaun foin dezenvolve-an sira iha adaptasaun no mitigasaun ba mudansa klimatika.
- Mekanismu finansiamentu ba adaptasaun no mitigasaun klimatika nian tau iha UNFCC nia okos.
- Nasaun Dezenvolidu sira hatun sira emisaun makas tuir rekomendasaun IPCC (intergovernmental Panel on Climate Change) nian, hatun emisaun mundu nian 25% - 40% iha 2020 no 80% - 95% iha 2050, no mekanismu seluk nebe involve makas liu komidade lokal iha foti desijaun no mos implementasaun mekanismu nian.
- Eksplora modelu dezenvolvimentu alternativa nebe tane prinsipiu respetu ba ema no meu ambiente.

Setembru 2009